

IES AGRA DE LEBORIS

CEIP OTERO PEDRAYO

CEIP ALFREDO BRANAS

CEIP CAIÖN

*aprendemos
da diversidade
na Laracha*



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA



CFR
A CORUÑA

centro de
formación e recursos



CONCELLO
DA LARACHA

FEDERACIÓN



Costada Morte



ANPAS

GALEGAS



Deputación
DA CORUÑA

29-30 ABRIL 2016

**I XORNADAS
DE ATENCIÓN A
DIVERSIDADE**

CASA DA CULTURA

A LARACHA

Desde A Laracha propoñémosvos participar nestas primeiras xornadas que teñen como obxectivo primordial xerar un tempo e un espazo no que aprender da diversidade e aprendermos xuntos, profesorado, nais e pais. Porque a todos nos move un único interese: mellorar as prácticas educativas, atendendo á diversidade do alumnado. Aproveitaremos ademais para poñer en valor e difundir boas prácticas, que a todas e todos nos poden servir de modelo.

PROGRAMA

VENRES 29 DE ABRIL

17:00 a 17:30 Recollida de documentación e sinaturas.

17:30 a 17:45 Apertura

Representantes de: **CFR, ANPAS, Concello e Centros de Ensino da Laracha.**

17:45 a 19:15 Conferencia inaugural

“Diversidade xenética humana e as súas aplicacións”

Por Angel Carracedo.



Probablemente, o científico galego de maior proxección internacional. Catedrático de Medicina Legal na Universidade de Santiago de Compostela, onde coordina o Grupo de Medicina Xenómica, con equipos de investigación que hoxe son líderes mundiais, con grandes logros no diagnóstico e tratamento de cancro, enfermidades raras, alzheimer, esquizofrenia, depresión, ...

Ademais, gran comunicador e persoa profundamente comprometida coa mellora do ensino. Resulta un verdadeiro pracer escoitalo e un grande privilexio poder contar coa súa presenza nestas xornadas. Será interesante tamén coñecer a súa visión, de profesor universitario e científico na vangarda mundial, de como debería ser a educación no século XXI.

19:15 a 19:30 Pausa

19:30 a 20:30 “Estratexias de intervención educativa para o alumnado con TDAH dende unha perspectiva inclusiva.”

por Lidia M^a Gómez Boga. Mestra de Pedagogía Terapéutica
CEIP Galán Oseiro-Arteixo

Trataremos a elaboración dunha **resposta educativa adaptada á diversidade**, baseándose na modificación dos elementos non prescritivos do currículo: metodoloxía, deseño e posta en práctica de actividades, adaptacións dos instrumentos de avaliación, didáctica docente.

SÁBADO 30 DE ABRIL pola mañá

09:45 A 10:00 Sinaturas

10:00 a 11:45 “Cooperar para Aprender/ Aprender a Cooperar”:
Programa CA/AC da Universidade de Vic-Barcelona
Aprendizaxe cooperativa no IES Agra de Leborís.
por Carmen Vaz Dapía, asesora CFR de Vigo.

Aprender xuntos alumnas e alumnos diferentes é necesario, é xusto e é posible.

Apostamos por centros de ensino para todas e todos, onde alumnas e alumnos diversos aprendan xuntos, apoiándose mutuamente.

Os equipos cooperativos favorecen a aprendizaxe de todo o alumnado e o desenvolvemento integral das súas capacidades. O traballo en equipos cooperativos é ademais o marco ideal para aprender a dialogar, a convivir e a ser solidario.

Carmen Vaz presentaranos o programa de Universidade de Vic ao que se uniu este curso o IES Agra de Leborís.

11:45 a 12:00 Pausa.

12:00 a 12:45 “ A respiración das baleas en Caión”
Por Montserrat Barros Grela Orientadora dos
CEIP “Alfredo Brañas” de Paiosaco, CEIP de Caión
e CEIP “A Revoltiña” de Soandres.

Unha experiencia piloto da práctica de *Mindfulness* dentro das aulas de Educación Primaria como estratexia para que o alumnado logre un estado de consciencia e calma que lle axude a coñecerse mellor, autorregular a súa conduta e mellorar a súa atención.

Este sinxelo programa de educación emocional está enmarcado dentro do Proxecto de Enriquecemento Curricular: *Pensa, Aprende e Crea en Caión*.

12:45 a 14:00 As altas capacidades na escola
“Aeroliñas SEM aterran na escola:
potenciación e democratización do Talento”.

Por Jose A Pallero Bote, profesor de inglés no **CEIP Otero Pedrayo**

Implantando o Modelo de Enriquecemento Escolar na escola galega. Nesta módulo amosarase a experiencia de levar o modelo SEM a dúas aulas de inglés de 5º de Primaria. Partindo dos intereses do alumnado e buscando a aprendizaxe significativa, tratouse sempre de potenciar o Talento. A compactación curricular como ferramenta metodolóxica a disposición do profesorado, co obxectivo de facer do enriquecemento escolar un proceso democrático, do cal se benefician todos e que dea a oportunidade de profundar en coñecemento avanzado a quen así o queira.

"Pensa, aprende, crea... en Paiosaco.

Memorias das nosas viaxes por América”"

Por Sara Gómez Macho mestra de Pedagogía Terapéutica no
CEIP Alfredo Brañas de Paiosaco.

Unha experiencia de enriquecemento curricular co alumnado de 2º de Educación Primaria no CEIP Alfredo Brañas de Paiosaco.

14:00 a 16:15 Pausa para xantar

SÁBADO 30 DE ABRIL pola tarde

16:15 a 16:30 Sinaturas

16:30 a 18:15 A xestión das emocións. A Educación Emocional.

por M^a del Carmen Loureiro licenciada en Psicoloxía

Apostar polo coñecemento das emocións propias e alleas, a autonomía, a empatía e o respecto, é unha obriga da educación do século XXI.

Aprender a coñecer, aprender a facer, aprender a vivir xuntos, aprender a ser... Dificilmente se pode aprender a ser e a vivir xuntos se seguimos cun modelo educativo que nos fai máis hábiles co mundo físico ca co social, que nos leva a saber máis cousas do mundo exterior ca da nosa propia intimidade, a coñecer máis os obxectos ca a nós mesmos ou ás persoas que nos rodean.

18:15 a 18:30 Pausa

18:30 a 19:30 “Era poesía e ti non o sabías”.

Por María Lado e Lucía Aldao.

Poesía e humor, a cargo deste dúo que forma unidade nunha diversidade que acomodan nos versos. María e Lucía farán o que mellor saben facer: poesía como escusa para botar unhas risas ou xogar co humor co pretexto de botar uns poemas. Poesía dotada de ritmo e comunicación aberta ao público, xogos, historias que rodean aos poemas, momentos de reflexión... E música, como non!



.....

INSCRICIÓN NAS XORNADAS

PROFESORADO:

Na páxina web da Consellería: <https://www.edu.xunta.es/fprofe/>

Na pestana de inscricións, buscar actividades en prazo.

Data límite 14 de abril. Certificación de 10 horas de formación.

HAI SERVIZO DE LUDOTECA para nenas e nenos de ata 10 anos.

Para solicitar este servizo, facelo a través da páxina Web do IES Agra de Leborís, cubrindo o mesmo formulario que as familias.

NAIS, PAIS E OUTROS COLECTIVOS INTERESADOS:

Na páxina web do IES Agra de Leborís:

<http://www.edu.xunta.es/centros/iesagraleboris/>

Pinchando no cartaz das xornadas accedese ao formulario que hai que cubrir.